



კანონთა და განკარგულების კრებული

ამიერკავკასიის სოკიალისტური ფედერაციული საბჭოთა რესპუბლიკის მუშათა და გლეხთა მთავრობისა.

1927 წლის
დეკემბრის 16.


№ 23

განყოფილება პირველი

ა/კ. ც. ა. კომიტ. საქანონ-მდებლა კომისიასთან არსებული კანონთა გამოქვეყნების განყოფილების მიერ გამოცემულია

შ ი ნ ა ა რ ს ი:

- მუნ. 246. ა/კფსრ სახალხო კომისართა საბჭოს მიერ სახელმწიფო საწარმოთა ბალანსების განხილვისა და მოგების განაწილების წესის თაობაზე 1925 წ. აპრილის 2-ის თარიღით გამოცემული დადგენილების მე-5 მუხლის შეცვლის შესახებ.
- " 247. ა/კფსრ-ში სახელმწიფო ბიუჯეტზე მყოდ დაწესებულებებში სამუშაო ხელფასის სახელმწიფოებრივი დანორმების შესახებ.
- " 248. მოსაწვევი თამბაქოს საეტიკეტო ფასების შესახებ.
- " 249. სახურავი რკინის ბითუმად, ნახევარ-ბითუმად და ცალბითი ვაჭრობისას მაქსიმალურ-უკიდურესი ფასებისა და წანამატის დაწესების შესახებ.
- " 250. ა/კფსრ ტერიტორიაზე საბჭოთა არჩევნების ჩატარებისა და საბჭოთა ყრილობების მოწვევის შესახებ 1928 წ.
- " 251. ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოს მიერ „ტყის კულტურის სფეროში მუშაობისათვის საჭირო სპეციალური სახსარის თაობაზე“ 1927 წლის მარტის 26-ის თარიღით გამოცემული დადგენილების მე-3 მუხლის შეცვლის შესახებ.
- " 352. უქმე და დასვენების განსაკუთრებული დღეების შესახებ.
- " 253. ინსტრუქცია ა/კფსრ-ში სახელმწიფო ბიუჯეტზე მყოდ დაწესებულებებში სამუშაო ხელფასის სახელმწიფოებრივი დანორმების განხორციელების წესის შესახებ.
- " 254. გაურთიანებული და არაგაურთიანებული უწყებებისა და ცენტრალური დაწესებულებების მიერ საშტატო-საჯამაგრო ნუსხების წარდგენის ვადების შესახებ.
- " 255. ამიერკავკასიის რკინისგზების ადგილობრივი ტარიფის მოქმედების ვადის განგრძობის შესახებ საქართველოს ტყის მრეწველობის ტრესტის საწყობთან ტფილისის სადგურზე შემოს განსატვირთავად ვაგონების მიყენებისათვის და განჯის ვიწრო-ლიანდაგთან შტოზე მგზავრების გადაყვანისათვის.
- " 256. შემთანხმებული კომისიების შესახებ იმ შემთხვევითაა გადასაწყვეტად, რაც აღიქვრის კოლაბერაცია და ა/კფსრ სახელმწიფო მრეწველობის საწარმოთა შორის გენერალურ ხელშეკრულებათა და სხვა შემთხვევითა დადებისა და აღსრულების დროს.





საქართველოს სახელმწიფო საგარეო
აღმართმცემლობის სახელმწიფო
საბჭოთავო საგარეო
აღმართმცემლობის სახელმწიფო

№ 53

თბილისი, 1951
31 იანვარი

საქართველოს სახელმწიფო საგარეო
აღმართმცემლობის სახელმწიფო
საბჭოთავო საგარეო
აღმართმცემლობის სახელმწიფო

საქართველოს სახელმწიფო საგარეო
აღმართმცემლობის სახელმწიფო
საბჭოთავო საგარეო
აღმართმცემლობის სახელმწიფო

მთავლიტი № 688.

დაიბეჭდა 800.



დადგენილება № 54 აკსფსრ სახალხო კომისართა საბჭოსი.

246. ა/კსფსრ სახალხო კომისართა საბჭოს მიერ სახელმწიფო სა-
წარმოთა ბალანსების განხილვისა და მოგების განაწილების
წესის თაობაზე 1925 წ. აპრილის 2-ის თარიღით გამოცე-
მული დადგენილების მე-5 მუხლის შეცვლის შესახებ.

ა/კსფსრ სახალხო კომისართა საბჭო აღგენს:

I. შეცვლილ იქნეს ა/კსფსრ სახალხო კომისართა საბჭოს მიერ—კომერციულ
ანგარიშზე მყოფ სახელმწიფო სავაჭრო და სამრეწველო საწარმოთა ბალანსების
განხილვისა და მოგების განაწილების წესის შესახებ—1925 აპრილის 2-ის თა-
რიღითა და 18 №-ით გამოცემული დადგენილების (ა/კსფსრ კან. კრებ. 1925 წ.
№ 4, მუხ. 411) მე-5 მუხლი და მიღებულ იქნეს იგი შემდეგი რედაქციით:

„5. ამიერკავკასიის მასშტაბის საწარმოთა ბალანსების განხილვას და დამ-
ტკიცებას, მათი კომერციული მოქმედების შედეგების განსაზღვრას და მოგების
განაწილებას აწარმოებს ა/კსფსრ ფინანსთა სახალხო კომისარიატთან არსებული
საუწყებათაშორისო კომისია. კომისიის შედგენილებაში შედიან გამომწვევტი
ხმის უფლებით ა/კსფსრ ფინანსთა სახალხო კომისარიატის პასუხისმგებელი წარ-
მომადგენელი და თითო პასუხისმგებელი წარმომადგენელი ა/კსფსრ მუშათა და
გლეხთა ინსპექციის სახალხო კომისარიატისა, პროფესიონალური კავშირების
ამიერკავკასიის საბჭოსი და იმ უწყებისა, რომლის გამგებლობაშიაც იმყოფება ის
საწარმო, რომლის ბალანსიც განხილულ უნდა იქნეს“.

II. ამავე დადგენილების მე-5 მუხ. შენიშვნა ძალაში დარჩეს.

ა/კსფსრ სახალხო კომისართა საბჭოს თავმჯდომარე **შ. ელიავა.**

ა/კსფსრ სახალხო კომისართა საბჭ. საქ. მმართველი **-სოკოლოვსკი.**

ტფილისი—სახალგ. 1927 წ. ნოემბრის 15.

გამოქვეყნებულია „ზარია ვოსტოკა“-ს 1640 №-ში 1927 წ. დეკემბრის 1-ს

დადგენილება № 56 აკფსრ სახალხო კომისართა საბჭოსი.

**247. ა/კფსრ-ში სახელმწიფო ბიუჯეტზე მყოფ დაწესებულე-
ბებში სამუშაო ხელფასის სახელმწიფოებრივი დანორმვის
განხორციელების შესახებ.**

აკფსრ სახალხო კომისართა საბჭოს მიერ „აკფსრ-სა და მის შედგე-
ნილობაში შემავალი რესპუბლიკების სახელმწიფო დაწესებულებების მოსამსახუ-
რეთა სამუშაო ხელფასის დანორმვის შესახებ“ 1926 წლის მარტის 18-ს თარი-
ლით გამოცემული დადგენილების (კან. კრებ. 1926 წ. 3 №-რი, მუხ. 619) შე-
საცვლელად აკფსრ სახალხო კომისართა საბჭო ადგენს:

1. შემოღებულ იქნეს 1928 წლის იანვრის 15-დან სამუშაო ხელფასის სა-
ხელმწიფოებრივი დანორმვის სისტემა აკფსრ და მის შედგენილობაში შემე-
ვალი რესპუბლიკების სახელმწიფო ბიუჯეტზე მყოფ ყველა დაწესებულებაში შემ-
დეგ საფუძველზე:

ა) ამიერკავკასიის მუშათა და გლეხთა ინსპექციის სახალხო კომისარიატი
შეიმუშავებს თანამდებობათა ნომენკლატურასა და დახასიათებას;

ბ) დაწესდება მტკიცე შტატები, წინა პუნქტში გათვალისწინებული ნო-
მენკლატურის შეფარდებით;

გ) დაწესდება მტკიცე ჯამაგირის რაოდენობა თვითიული საშტატო თანა-
მდებობისათვის.

2. აპარატის რაციონალიზაციისა და შემცირებისათვის წარმოებულმა მუ-
შაობამ ხელი არ უნდა შეუშალს სამუშაო ხელფასის დანორმვის ჩატარებას და
ეს მუშაობა არ უნდა წარმოადგენდეს აუცილებელ წინასწარ პირობას დანორმ-
ვის განხორციელებისათვის.

3. შტატებს დააწესებენ (1-ლი მუხ. „ბ“ 3.) აკფსრ მუშათა და გლეხთა
ინსპექციის სახალხო კომისარიატი და აზერბაიჯანისა, სომხეთისა და საქართვე-
ლოს სსრ მუშათა და გლეხთა ინსპექციის სახალხო კომისარიატები, კუთვნილე-
ბისამებრ.

4. ჯამაგირის რაოდენობას საშტატო თანამდებობისათვის (1-ლი მუხ. „გ“ 3.)
დააწესებენ აკფსრ შრომის სახალხო კომისარიატი და აზერბაიჯანისა, სომხე-
თისა და საქართველოს სსრ შრომის სახალხო კომისარიატები, — კუთვნილების-
ამებრ, — სათანადო რესპუბლიკის ფინანსთა სახალხო კომისარიატთან, მუშათა და
გლეხთა ინსპექციის სახალხო კომისარიატთან და პროფესიონალურ კავშირთა
საბჭოსთან შეთანხმებით.

5. სახელმწიფოებრივი დანორმვის განსახორციელებლად წარმოებულ მუ-
შაობის დაჩქარების მიზნით, ეს მუშაობა ჩატარებულ უნდა იქნეს შემდეგი წესით:

ა) უწყებანი და დაწესებულებანი შეიმუშავებენ, აკფსრ მუშათა და გლეხთა
ინსპექციის სახალხო კომისარიატის მიერ გადაცემულ თანამდებობათა ნომენ-
კლატურის თანახმად, შტატებისა და ჯამაგირების პროექტებს, რომელთაც, კავ-



შირის სათანადო ცენტრალურ გამგეობასთან შეთანხმების შემდეგ, გაჰგზავნიან განსახილველად (შტატების ნაწილის) მუშათა და გლეხთა ინსპექციის სახალხო კომისარიატებში. მუშათა და გლეხთა ინსპექციის სახალხო კომისარიატები ვალდებული არიან წარდგენილი პროექტები განიხილონ არა უგვიანეს ორი კვირის ვადისა;

ბ) მუშათა და გლეხთა სახალხო კომისარიატის მიერ აღნიშნულ საშტატო-საჯამაგირო ნუსხების პროექტთა (შტატების ნაწილის) განხილვის შემდეგ, ეს პროექტები გადაეცემა განსახილველად ა/კსფსრ შრომის სახალხო კომისარიატსა და ა/კსფსრ შედგენილობაში შემავალი რესპუბლიკების შრომის სახალხო კომისარიატებს, — კუთვნილებისამებრ, — მტკიცე შტატების დასაწესებლად.

6. შტატებსა და ჯამაგირებს დააწესებენ: არაგაერთიანებულ სახალხო კომისარიატებისა და რესპუბლიკანურ დაწესებულებათათვის — სათანადოდ — აზერბაიჯანისა, სომხეთისა და საქართველოს სსრ-ბის მუშათა და გლეხთა ინსპექციის სახალხო კომისარიატები და შრომის სახალხო კომისარიატები; გაერთიანებულ სახალხო კომისარიატებისა და ფედერატიულ დაწესებულებათათვის — ა/კსფსრ მუშათა და გლეხთა ინსპექციის სახალხო კომისარიატი და ა/კსფსრ შრომის სახალხო კომისარიატი.

შენიშვნა. გაერთიანებულ უწყებათა რესპუბლიკანურ ორგანოებისათვის შტატები და ჯამაგირები წინასწარ შემუშავდება ადგილობრივად და შეთანხმებულ იქნება სათანადო უწყების ხელმძღვანელთან ცენტრში.

7. ამა დადგენილების მე-3 და მე-5 პუნქტებით დაწესებული შტატები შემდეგში არ შეიძლება გადიდებულ იქნეს ა/კსფსრ მუშათა და გლეხთა ინსპექციის სახალხო კომისარიატისა და ა/კსფსრ შედგენილობაში შემავალი რესპუბლიკების მუშათა და გლეხთა ინსპექციის სახალხო კომისარიატების (კუთვნილებისამებრ) დამტკიცების გარეშე.

8. სამუშაო ხელფასის სახელმწიფოებრივი დანორმვა განხორციელებულუნდა იქნეს სამუშაო ხელფასის ფონდის ფარგლებში, რაც დაწესებულია 1927-28 წლის ბიუჯეტითა და იმ ბიუჯეტს-გარე მტკიცე წყაროების ფარგლებში, რომელთა დახარჯვაც ნებადართული იქნება სამუშაო ხელფასისათვის სპეციალური ხარჯთაღრიცხვებით (უწყებათა სპეცსახსრები, სამკურნალო ფონდი); ხოლო იმ პირობით კი, რომ ეს თანხები დაიხარჯება მართოდენ განსაკუთრებული შტატის შესანახად, რომელიც სახელმწიფო ბიუჯეტში არ არის შეტანილი, და არა სახელმწიფო ბიუჯეტით დამტკიცებული შტატის დამატებითი სასყიდლისათვის.

9. სამუშაო ხელფასის სახელმწიფოებრივი დანორმვა განხორციელებულუნდა იქნეს იმ ფაქტიური ხელფასის მიხედვით ამა თუ იმ თანამდებობისათვის, რაც დაწესებული იქნება ან პროფკავშირთან შეთანხმების წესით, ან და იმის მიხედვით, რაც ფაქტიურად გადახდილია ამა თუ იმ თანამდებობისათვის არა უმცირეს უკანასკნელი სამი თვის განმავლობაში; ამასთანავე ადგილი არ უნდა ექნეს ფაქტიური სამუშაო ხელფასის შემცირებას მომუშავეთა ცოტად თუ ბევრად მნიშვნელოვანი რიცხვისათვის.

10. შრომის სახალხო კომისარიატის მიერ დაწესებული თანამდებობრივი ჯამაგირები მტკიცე განაკვეთებია და არ შეიძლება შეცვლილ იქნეს დაწესებულების ადმინისტრაციის მიერ მისი შემცირებითა თუ გადიდებით.

11. სამუშაო ხელფასისათვის ასიგნული თანხების დაუხარჯველი ნარჩენები ყოველი კვარტალის დასრულების შემდეგ შეტანილ უნდა იქნეს სახელმწიფო შემოსავალში.

12. მთელი მუშაობა სახელმწიფოებრივი დანორმების ჩასატარებლად უნდა დამთავრდეს არა უგვიანეს 1928 წლის თებერვლის 1-ისა.

13. წინადადება მიეცეს ა/კსფსრ შრომის სახალხო კომისარიატს გამოსცეს ინსტრუქცია ამა დადგენილების შეფარდებისათვის, ა/კსფსრ ფინანსთა სახალხო კომისარიატსა, ა/კსფსრ მუშათა და გლეხთა ინსპექციის სახალხო კომისარიატსა და პროფკავშირთა ამიერკავკასიის საბჭოსთან შეთანხმებით.

ა/კსფსრ სახალხო კომისართა საბჭოს
თავმჯდომარის მოადგილე დ. ჭუსეინოვი.

ა/კსფსრ სახალხო კომისართა საბჭოს საქმეთა
მმართველი სოკოლოვსკი.

ტფილისი-სასახლე. 1927 წ. დეკემბრის 1.

გამოქვეყნებულია „ზარია ვოსტოკა“-ს 1642 №-ში 1927 წ. დეკემბრის 3-ს.

დადგენილება № 15 აკსფსრ ვაჭრობის სახალხო კომისარიატისა.

(სამრეწველ და სსურსათო საქანდის სამმართველო)

1927 წლის აგვისტოს 25.

248. მოსაწვევი თამბაქოს საეტიკეტო ფასების შესახებ.

ამიერკავკასიის ცენტრალური აღმასრულებელი კომიტეტის მიერ „ა/კსფსრ შინავაჭრობის სახალხო კომისარიატის დროებითი დებულების შესახებ“ 1924 წლის ივნისის 26-ის თარიღით გამოცემული დადგენილების მე-3 მუხლის „გ“ პუნქტისა და სსრკ ვაჭრობის სახალხო კომისარიატის ამა წლის ივნისის 23-ის დადგენილების თანახმად, ა/კსფსრ ვაჭრობის სახალხო კომისარიატი, ამიერკავკასიის შინა-ვაჭრობას სახალხო კომისარიატის 1925 წლის აგვისტოს 30-ს თარიღისა და 38 №-რისა და 1926 წლის ოქტომბრის 7-ის თარიღისა და 53/109 №-რის დადგენილებათა შესაცვლელად, ადგენს:

1) დაწესებულ იქნეს საეტიკეტო ფასები მოსაწვევ თამბაქოზე, მომქმედ სააქციზო განაკვეთების ჩათვლით:



| | | | | | | | | | |
|-----|------------|----------|-------|-------|------------------|--------|-------|--------|---------|
| I | ხარისხის A | 1 კილგრ. | 11 მ. | 40 კ. | ჩაფუთული 100 გრ. | 1 მან. | 14 კ. | 50 გრ. | — |
| " | " | B | " | 9 მ. | 60 კ. | " | " | 96 კ. | " 48 კ. |
| II | " | A | " | 6 მ. | 50 კ. | " | " | 65 კ. | " 33 კ. |
| " | " | B | " | 5 მ. | — | " | " | 50 კ. | " 25 კ. |
| III | " | " | " | 3 მ. | 30 კ. | " | " | 33 კ. | " 16 კ. |

2) ამა დადგენილების 1-ლი მუხლით დაწესებული საექტიკეტო ფასები არა ვრცელდება უმაღლესი ხარისხის მოსაწვეე თამბაქოზე.

3) ამა დადგენილების 1-ლ მუხლში აღნიშნული ხარისხების მოსაწვეე თამბაქო შეიძლება გამოშვებულ იქნეს მხოლოდ რბილ საფუთავში (პაჩკაში).

4) დანორმილი ხარისხის მოსაწვეე თამბაქოს ყოველ სათავსზე (პაჩკაზე) აღნიშნული უნდა იყოს: ა) ფაბრიკისა ან სახელოსნოს სახელწოდება, ბ) ადგილმდებარეობა, გ) თამბაქოს სახელწოდება (მარკა), დ) ნომერი, ე) თამბაქოს წონა სათავსში (პაჩკაში), ვ) თამბაქოს ხარისხი, ზ) ამა დადგენილების 1-ლი მუხლით დაწესებული საექტიკეტო ფასი, და თ) წარწერა: „აღნიშნულ ფასზე ძვირად გაყიდვა დაისჯება კანონით“.

5) დაწესებულ იქნეს შემდეგი მინიმალური მონაკლები მოსაწვეე თამბაქოს ბითუმად და წვრილ-ბითუმად გაყიდვის დროს (რაოდენობით არა ნაკლებ 20 კილოგრამისა):

ა) თამბაქოს მიყიდვის დროს იმ სახელმწიფო და კოოპერატიული საწარმოთა და ორგანიზაციათთვის, რომელნიც საბითუმო და მასთან ერთად ცალობით ვაჭრობას ეწევიან, დაწესებულ იქნეს მონაკლები არა უმცირეს, ვიდრე ცალობითი ფასის 13,5 %-სა ფრანკო-დანიშნულების სადგური ან ნავთსადგური, უკეთუ საქონლის გაცემა სწარმოებს უშუალოდ ფაბრიკიდან და ფაბრიკის საწყობიდან, და ფრანკო გამყიდველის საწყობი, უკეთუ გაცემა სწარმოებს ყველა დანარჩენ საწყობიდან; ამასთანავე მყიდველს უცილობელი უფლება ეძლევა ფაბრიკიდან და ფაბრიკის საწყობებიდან თამბაქოს მიღებისა.

შენიშვნა. სამრეწველო საწარმოთა მიერ საოლქო და რესპუბლიკანური მასშტაბის ყველა კოოპერატიული ორგანიზაციისათვის თამბაქოს გაცემის დროს, ზემო აღნიშნული მონაკლების—15,5%—გარდა, დაწესებულ იქნეს დამატებითი მონაკლები 0,5%-ის რაოდენობით.

ბ) თამბაქოს მიყიდვის დროს იმ სახელმწიფო სავაჭრო და კოოპერატიული ორგანიზაციისათვის, რომელიც მარტოდენ ცალობითი ვაჭრობას ეწევა, დაწესებულ იქნეს მონაკლები არა უმცირეს, ვიდრე ცალობითი ფასის 10-%-ის რაოდენობისა ფრანკო-გამყიდველის საწყობი.

6) დადგენილება ესე ვრცელდება წინა დადებულ ხელშეკრულებათა და გარიგებათა იმ ნაწილზეც, რომლითაც გამყიდველის მიერ საქონელი (თამბაქო) ჩაბარებული არ ყოფილა ამა დადგენილების ძალაში შესვლის მომენტისათვის.

7) თამბაქოს იმ მარაგის რეალიზაციის მიზნით, რაც გამოშვებული იყო ფაბრიკებიდან და მრეწველობის საბაზისო საწყობებიდან ამა დადგენილების გამოქვეყნებამდე, ნებადართულ იქნეს მათი გაყიდვა სამი კვირის განმალლობაში ამა დადგენილების გამოქვეყნების დღიდან იმ ფასებში, რაც დაწესებული იყო

ამიერკავკასიის შინა-ვაჭრობის სახალხო კომისარიატის 1926 წლის ოქტომბრის 7-ის თარიღისა და 52/109 №-ის დადგენილებით; აღნიშნული ვადის გასვლის შემდეგ თამბაქოს გაყიდვა ბაზარზე დამოუკიდებლად იმ ფასებისა, რაც ეტიკეტზეა აღნიშნული, უნდა სწარმოებდეს ამა დადგენილებით დაწესებული ფასების მიხედვით.

8) დადგენილება ესე ვრცელდება სახელმწიფო ვაჭრობის ორგანოებსა, კოოპერაცასა და კერძო ვაჭრობაზე.

9) ამიერკავკასიის ვაჭრობის სახალხო კომისარიატის რწმუნებულმა ა/კსფსრ შედგენილობაში შემავალ თვითეულ რესპუბლიკაში თვალყური უნდა ადევნოს ამა დადგენილების სისწორით აღსრულებას.

10) ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

11) დადგენილება ესე ძალაში შედის 1927 წლის აგვისტოს 25-დან.

ა/კსფსრ ვაჭრობის სახალხო კომისარი ბეკზადიანი.

სამრეწველო და სასურსათო

საქონლის სამმართველო უფროსი ნოვიკოვი.

საქმეთა მმართველი ვნატიუკი.

გამოქვეყნებულია „ზარია ვოსტოკა“-ს 1644-№-ში 1927 წ. დეკემბრის 6-ს.

დადგენილება № 14 ა/კსფსრ ვაჭრობის სახალხო კომისარიატისა.

(სამრეწველო და სასურსათო საქონლის სსმმართველო)

1927 წლის აგვისტოს 25.

249. სახურავი რკინის ბითუმიად, ნახევარ-ბითუმიად და ცალობით ვაჭრობისთვის მაქსიმალურ-უკიდურესი ფასებისა და წანამა- ტების დაწესების შესახებ.

ამიერკავკასიის ცენტრალური აღმასრულებელი კომიტეტის მიერ „ა/კსფსრ შინა-ვაჭრობის სახალხო კომისარიატის დროებითი დებულების შესახებ“ 1924 წლის ივნისის 26-ის თარიღით გამოცემული დადგენილების მე-3 მუხლის „გ“ პუნქტისა და სსრკ ვაჭრობის სახალხო კომისარიატის ამა წლის მაისის 25-ის დადგენილების თანახმად, ამიერკავკასიის ვაჭრობის სახალხო კომისარიატი, ა/კსფსრ შინა-ვაჭრობის სახ. კ-ტის 1926 წლის აგვისტოს 6-ის თარიღისა და 39/95 №-რის დადგენილების შესაცვლელად, ადგენს:

1. დაწესებულ იქნეს საკავშირო მეტალურგიული სინდიკატისა, სინდიკატებისა, ტრესტებისა, ცალკე ქარხნებისა, მათი სავაჭრო შენაერთებისა და გან-



ყოფილებათათვის შემდეგი ძირითადი უკიდურესი ფასები ნაღდ ანგარიშზე ვაჭრობის დროს ფრანკო-ვაგონი ან ახდელი პლათფორმა საერთო სარგებლობის რკინის გზის გაგზავნის სადგურზე და აგრეთვე ფრანკო-ბარჯა-ნავთსადგური, — ქარხნების ჯგუფების მიხედვით:

| | | |
|---|--|------------------|
| საქონლის სახელწოდება | „იუგოსტალი“-სა, „ურალმეტი“-სა და „ჩრდილო-ვიატკის ოლქი“-სა და ქარხანა „წითელი ოქტომბერი“. | ცენტრის ქარხნები |
| რკინა სახურავი 1 ტონ. მე-3 ხარ. 11 გირ-ნი | 173 მან. 30 კაპ. | 179 მ. 20 კ. |

2. სახურავი რკინის ვაჭრობის დროს ანგარიშის გასწორებისათვის დაწესებულ იქნეს შემდეგი ღირებულება რკინისგზის საშუალო-ანაწონის ფრახტისა „იუგოსტალი“-სა, ურალისა და ჩრ.-ვიატკის ოლქის ქარხნებიდან და ქალ. სტალინგრადში არსებულ „წითელი ოქტომბრის“ ქარხნიდან დანიშნულების სადგურამდე:

ა) საქართველოს სსრ-ში:

| | |
|------------------------------|-----------------|
| ქ. ტფილისამდე | 43 მან. |
| ქ. თელავამდე | 43 მან. 66 კაპ. |
| ქ. ფოთამდე | 44 „ 98 „ |
| ქ. ქუთაისამდე | 44 „ 32 „ |
| ქ. ბათომამდე | 45 „ 21 „ |
| დანარჩენ პუნქტამდე | 43 „ 38 „ |

ბ) აზერბაიჯანის სსრ-ში:

| | |
|------------------------------|-----------------|
| ქ. ბაქომდე | 39 მან. 60 კაპ. |
| ქ. განჯამდე | 41 „ 78 „ |
| დანარჩენ პუნქტამდე | 40 „ 70 „ |

გ) ნახიჩევანის მხარეში:

| | |
|------------------------------|-----------------|
| ქ. ნახიჩევანამდე | 46 მან. 07 კაპ. |
| ქ. ჯულფამდე | 46 „ 40 „ |
| დანარჩენ პუნქტამდე | 46 „ 29 „ |

დ) სომხეთის სსრ-ში:

| | |
|------------------------------|-----------------|
| ქ. ერევანამდე | 45 მან. 30 კაპ. |
| ქ. ლენინაქანამდე | 44 „ 37 „ |
| ქ. ყარაქლისამდე | 44 „ — „ |
| დანარჩენ პუნქტამდე | 44 „ 75 „ |

3. დაველოდო საკავშირო მეტალურგიულ სინდიკატს, სინდიკატებს, ტრესტებს, ცალკე ქარხნებს, მათ სავაჭრო შენაერთებსა და განყოფილებებს ვაჭყიდონ სახურავი რკინა ფრანკო-ვაგონი დანიშნულების სადგურზე და აგრეთვე ფრანკო-ბარჯა დანიშნულების ნავთსადგურში იმ უკიდურეს საგასაცემო ფასებში, რაც დაწესებულია „იუგოსტალი“-სა, ურალისა, ჩრ.-ვიატკის ოლქის ქარხნებისათვის და ქარხანა „წითელი ოქტომბრისთვის“, რასაც უნდა დაემატოს რკინისგზის საშუალო-ანაწონის ფრახტის ღირებულება იმ რაოდენობით, რაც განსაზღვრულია ამა დადგენილების მე-2 მუხლით, და აგრეთვე კრედიტის ღირებუ-

ლება—წლიური 12% ანგარიშის მიხედვით, 90 დღის ვადით, სახელდობრ— 6 მან. 18 კაპ.

შენიშვნა. ნაღდ ანგარიშზე გაყიდვის დროს და აგრეთვე მყიდველის სურვილის მიხედვით ამა დადგენილების მ-3 მუხ. გათვალისწინებული კრედიტის ვადის შეცვლის დროს—კრედიტის ღირებულება სათანადოდვე უნდა შეიცვალოს. წლიური 12% ანგარიშისა და სახურავი რკინის საშუალო ღირებულების მიხედვით, თვითეულ ტონნაზე 206 მანეთის დამატებით.

4. გზათა სახალხო კომისარიატისა და სამხედრო და საზღვაო საქმეთა კომისარიატის საქიროებისათვის სახურავი რკინის გაცემის დროს ამა დადგენილების მე-2 მუხ. დაწესებული ფასები სავალდებულო არ არის. სახურავი რკინის აღნიშნულ მომხმარებლებს უფლება აქვთ მოსთხოვონ ლითონის მრეწველობას ან მის სავაჭრო ორგანოებს სახურავი რკინის გაცემა ფრანკო-ვაგონი გაგზავნის საღებურის ფასების მიხედვით, თანახმად ამა დადგენილების 1-ლი მუხლისა.

5. დანამატები და მონაკლები სახურავი რკინის ცალკე ხარისხებისათვის, ღირსებისათვის, გადაწონისათვის, ტეხნიკური მიღებისათვის, სიგრძისათვის, გაცემის სხვადასხვა სახისათვის და სხვ. უნდა დაემატოს ან მოეკლოს ამა დადგენილების 1-ლი მუხ. დაწესებულ ფასებს, თანახმად საკავშირო მეტალურგიულ სინდიკატიშ შემავალ ლითონის საწარმოთა კონვენციის შავ ლითონზე დაწესებული დანამატების პრეისკურანტისა, რომელიც გამოცემულია 1926 წელს, და იმ ცვლილებებისა, რაც აღნიშნულია სსრკ ვაჭრობის სახალხო კომისარიატის 1927 წლის თებერვლის 4-ის თარიღისა და 23 №-რის დადგენილებაში (დამატება ჟურნალისა „სოვეტსკაია ტორგოვლია“, 20—21 №-რი, 1927 წ. აპრილის 10). ყველა აღნიშნული მიმამატება ან მოკლება უნდა ხდებოდეს ერთი-დანახევარის რაოდენობით.

6. „იუგოსტალ“-ის ქარხნებისა და ქ. სტალინგრადში არსებულ ქარხანა „წითელი ოქტომბრის“ სახურავი რკინის ფასებზე, რაც განსაზღვრულია ამა დადგენილებით, დაწესებულ იქნეს ოლქებისა და გუბერნიებისათვის მონაკლები შემდეგი რაოდენობით:

| | |
|-------------------------------------|-----------------|
| საქართველოში შემოზიდვისას | 15 მან. 10 კაპ. |
| აჭარისტანში | 14 „ 60 „ |
| სომხეთში | 14 „ 60 „ |
| აზერბაიჯანში | 15 „ 60 „ |

7. „ცენტროსოიუზ“-სა, „სელსოუზ“-სა და მათ მენაწილეთ გენერალურ ხელშეკრულებებსა და სხვა საკონტრაქტო გარიგებებში და აგრეთვე სრ. რუსეთის სამრეწვე. კოოპერაციის კავშირს, სახურავი რკინის სატრანზიტო წესით გაყიდვის დროს, უფლება აქვთ მრეწველობის საგასაცემო ფასებს—დანამატებითურთ,—დაარიცხონ წანამატი ამა დადგენილების 1-ლი და მე-5 მუხლის თანახმად,—არა უმეტეს 2%/-ისა.

8. ყველა დანარჩენ სავაჭრო ორგანიზაციას, რომელიც მოხსენებული არ არის ამა დადგენილების მე-7 მუხ., სახურავი რკინის სატრანზიტო წესით გაყიდვისას უფლება ეძლევა ამა დადგენილების 1-ლ და მე-5 მუხ. დაწესებულ ფასებს დაარიცხოს წანამატი არა უმეტეს 3%/-ისა.



შენიშვნა მე-7 და მე-8 მუხლისა. უკეთუ სახურავი რკინა გაივლის კოოპერაციისა და სახელმწიფო ვაჭრობის ორგანოების სისტემას ტრანზიტით ცენტრალური საფეხურიდან დაწყებული, ვიდრე ძირეული ცალობით მოვაჭრე საფეხურამდე, საშუალო საფეხურის მეშვეობით,—ცენტრალურსა და საშუალო საფეხურებს ერთად უფლება ეძლევათ მრეწველობის ფასებს დაარიცხონ წანამატი საერთოდ არა უმეტეს 3,5⁰/₁₀₀-ისა; ხოლო უკეთუ სახურავი რკინა გაივლის მხოლოდ საშუალო საფეხურამდე,—სატრანზიტო წანამატი დაარიცხულ უნდა იქნეს მხოლოდ ერთხელ, იმისდამოუხედავად თუ რამდენჯერ გაიყიდება საქონლის ეს პარტია.

9. სახურავი რკინის ვაჭრობისათვის დაწესებულ იქნეს ბითუმად, ნახევარ ბითუმად და ცალობითი ვაჭრობის შემდეგი გრადაცია:

| | | | |
|----------------|----------------|-------------------------|----------------------|
| სახელწოდება | ბითუმად გაცემა | ნახევარ-ბითუმად გაცემა | ცალობით გაცემა. |
| სახურავი რკინა | 2 ტონნაზე მეტი | 0,3 ტონნიდან 2 ტონნამდე | 0,3 ტონნაზე ნაკლები. |

10. სოფლად მოვაჭრე სახელმწიფო და კოოპერატიული ორგანიზაციებისათვის სახურავი რკინის გაცემა იმ ნორმაზე უფრო ნაკლები რაოდენობით, რაც დაწესებულია ნახევარდ-ბითუმი ვაჭრობისათვის, უნდა სწარმოებდეს ნახევარდ-ბითუმი ვაჭრობისათვის დაწესებული ფასების მიხედვით.

11. სავაჭრო ორგანიზაციების საწყობებიდან სახურავი რკინის ბითუმად, ნახევარ-ბითუმად და ცალობით გაცემის დროს დაწესებულ იქნეს შემდეგი მაქსიმალურ-უკიდურესი ზედნართები 1 ტონნაზე მანეთობით:

| | | |
|-------------|--|--|
| სახელწოდება | ქ. ბაკოსა, ტფილ. და ერევნ. | ა/კფსრ დანარჩენ ადგილებისათვის. |
| სახ. რკინა. | ბით. ვაჭ. ნახ.-ბით. ვაჭ. ცალ. ვაჭ. | ბით. ვაჭ. ნახ.-ბით. ცალ. ვაჭ. |
| | 14 17 39 | 23 27 51 |

12. დავალოს ამიერკავკასიის ვაჭრობის სახალხო კომისარიატის რწმუნებულებს ა/კფსრ შემდგენილობაში შემავალ ცალკე რესპუბლიკებში დააწესონ საშუალო ზედნართები იმ ადგილებისათვის, რომელნიც დაშორებულ არიან ა/კ. რკინისგზის ხაზიდან 10 კილომეტრზე მეტი მანძილით, სახურავი რკინის გადაზიდვის ღირებულების დასათარადად რკინისგზის უახლოეს სადგურიდან რეალიზაციის ადგილამდე.

13. დავალოს ამიერკავკასიის ვაჭრობის სახალხო კომისარიატის რწმუნებულებს საქართველოს სსრ, აზერბაიჯანის სსრ და სომხეთის სსრ-ში დააწესონ სახურავი რკინის ვაჭრობისათვის მაქსიმალურ-უკიდურესი წანამატი კერძო ცალობით მოვაჭრეთათვის ამა დადგენილების თანახმად.

14. სახურავი რკინა მიეცეს მხოლოდ იმ კერძო ცალობით მოვაჭრეებს, რომელნიც მიიღებენ ვალდებულებას აღნიშნული საქონელი გაჰყიდონ იმ მაქსიმალურ-უკიდურეს წანამატების მიხედვით, რაც დაწესებული იქნება ამიერკავკასიის ვაჭრობის სახალხო კომისარიატის რწმუნებულების მიერ ადგილობრივად.

15. ამიერკავკასიის ვაჭრობის სახალხო კომისარიატის რწმუნებულმა ა/კფსრ შემდგენილობაში შემავალ თვითეულ რესპუბლიკაში თვალყური უნდა ადევნოს ამა დადგენილების სისწორით აღსრულებას.

16. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

17. დადგენილება ესე ძალაში შედის 1927 წლის აგვისტოს 25-დან.

ა/კფსრ ვაჭრობის სახალხო კომისარი ბეკუაღიანი.

სამრეწვე და სასურსათო საქონლის

სამმართველოს უფროსი ნოვიკოვი.

საქმეთა მმართველი გნატიუკი.

გამოქვეყნებულია „ზარია ვოსტოკა“-ს 1645 №-ში 1927 წ. დეკემბრის 7-ს.

დადგენილება აზიერკავკასიის ცენტრალური აღმასრულებელი კომიტეტისა.

250. ა/კფსრ ტერიტორიაზე საბჭოთა არჩევნების ჩატარებისა და საბჭოთა ყრილობების მოწვევის შესახებ 1928 წელს.

რადგანაც 1927 წლის მოწვევის საბჭოების უფლებამოსილობის ვადა ახლო მომავალში უნდა გათავდეს და რადგანაც საჭიროა, რომ საბჭოების არჩევნები და საბჭოთა ყრილობების (რესპუბლიკანურ საბჭოთა ყრილობებამდე, ამ უკანასკნელთა ჩათვლით) მოწვევა გეგმაზე წინადადება იქნეს განხორციელებული, და აგრეთვე აღნიშნულ არჩევნებში აქტიური მონაწილეობა მიიღოს მშრომელთა რაც შეიძლება ნეტმა რაოდენობამ, ა/კფსრ შედგენილობაში შემავალი რესპუბლიკების კონსტიტუციებისა და სრულიად საკავშირო კანონმდებლობასთან სრულის შეთანხმებით, ამიერკავკასიის ცენტრალური აღმასრულებელი კომიტეტი ადგენს:

წინადადება მიეცეს ა/კფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს:

1. შეუდგენენ ცენტრალურ და ქვემდგომ საარჩევნო კომისიების მოწყობას და აგრეთვე საბჭოების არჩევნებისა და საბჭოთა ყრილობების (რესპუბლიკანურ საბჭოთა ყრილობებამდე, ამ უკანასკნელთა ჩათვლით) მოწვევისათვის საჭირო სხვა წინასწარ-მოსამზადებელ ღონისძიებათა განხორციელებას.

2. საარჩევნო კამპანია დაიწყონ 1927 წლის დეკემბრის დამდეგიდან, იმ ანგარიშით, რომ იგი დასრულდეს არა უგვიანეს 1928 წლის აპრილის პირველი ნახევრისა.

3. საარჩევნო კომისიების მოწყობის წესისა, შედგენილობისა და უფლებების განსაზღვრისათვის სახელმძღვანელოდ მიიღონ ამიერკავკასიის ცენტრალური აღმასრულებელი კომიტეტის ინსტრუქცია საბჭოების არჩევნების შესახებ 1928 წ.

4. გამოსცენ საარჩევნო ინსტრუქციები, რაც შეთანხმებულ უნდა იქნეს ამიერკავკასიის ცენტრალური აღმასრულებელი კომიტეტის ინსტრუქციასთან



საბჭოების არჩევნების შესახებ 1928 წელს. დამატებანი და ცვლილებანი, ამიერკავკასიის ცენტრალური აღმასრულებელი კომიტეტის ინსტრუქციასთან შედარებით, რაც გამოწვეული იქნება ადგილობრივი საყოფაცხოვრებო პირობებით, შეიტანება შხოლოდ მას შემდეგ, როცა ამ დამატებებსა და ცვლილებებს წინისწარ დაამტკიცებს ამიერკავკასიის ცენტრალური აღმასრულებელი კომიტეტის პრეზიდიუმი.

5. პუბლიკაცია, უწყება და სხვა ყოველგვარი მიმართვა ამომრჩევლები-სადმი, რესპუბლიკანურ ენასთან ერთად, შეადგინონ აგრეთვე ნაციონალურ უმცირესობათა ენებზედაც; ამასთანავე უზრუნველყოფილ უნდა იქნეს ა/კსფსრ რესპუბლიკისა და ა/კსფსრ შედგენილობაში შემაჯავალი რესპუბლიკების კანონმდებლობით ყველა ამომრჩევლისათვის ნაციონალური უმცირესობის ენის შესახებ მინიჭებული ყველა უფლების განხორციელება.

6. საარჩევნო კამპანიის მთელი დროის განმავლობაში ინფორმაცია მისი მსვლელობის შესახებ რეგულიარულად წარუდგინონ ამიერკავკასიის ცენტრალური აღმასრულებელი კომიტეტის პრეზიდიუმს, რისთვისაც უნდა იხელმძღვანელონ ამ უკანასკნელის მიერ დამტკიცებული ფორმები და ვადები.

7. დადგენილება ესე სამოქმედოდ შემოღებულ იქნეს ტელეგრაფით:

ა/კ. ცენტრ. აღმასრ. კომიტეტის თავმჯდომარე ს. ადამალი-ოღლი.

ა/კ. ცენტრალური აღმასრ. კომიტეტის მდივანი ა. შავერდოვი.

ტფილისი-სასახლე. 1927 წ. დეკემბრის 5.

გამოქვეყნებულია „ზარია ვოსტოკა“-ს 1646 №-ში. 1927 წ. დეკემბრის 8-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ „ტყის კულტურის სფეროში მუშაობისათვის საჭირო სპეციალური სახსარის თაობაზე“ 1927 წლის მარტის 26-ის თარიღით გამოცემული დადგენილების მე-3 მუხლის შეცვლის შესახებ.

251. ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ „ტყის კულტურის სფეროში მუშაობისათვის საჭირო სპეციალური სახსარის შესახებ“ 1927 წლის მარტის 26-ს გამოცემული დადგენილების (ა/კსფსრ კან. კრებ. 1927 წ. 6 №-რი, მუხ. 65) მე-3 მუხლის რედაქციის შესაცვლელად, ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ „ტყის კულტურის სფეროში მუშაობისათვის საჭირო სპეციალური სახსარის შესახებ“ 1927 წლის მარტის 26-ს გამოცემული დადგენილების (ა/კსფსრ კან. კრებ. 1927 წ. 6 №-რი, მუხ. 65) მე-3 მუხლის რედაქციის შესაცვლელად, ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

ზემოაღნიშნული დადგენილების მე-3 მუხლი მიღებულ იქნეს შემდეგი რედაქციით.

„3. სამორე სასყიდლის პროცენტული დანარიცხის რაოდენობას არა უმეტეს 15 პროცენტისა ფოთლიანი და 25 პროცენტისა წიწვიანი ტყისათვის დააწესებენ ა/კსფსრ-ში შემავალი რესპუბლიკების ცენტრალური აღმასრულებელი კომიტეტი“.

ა/კ. ცენტრ. აღმასრ. კომიტეტის თავმჯდომარე **ს. აღამალი-ოღლი.**

ა/კსფსრ სახ. კომისართა საბჭოს თავმჯდომარე **შ. ელიავა.**

ა/კ. ცენტრალური აღმასრ. კომიტეტის მდივანი **ა. შავერდოვი.**

ტფილისი-სასახლე. 1927 წ. დეკემბრის 5.

გამოქვეყნებულია „ზარია ვოსტოკა“-ს 1647 №-ში 1927 წ. დეკემბრის 9-ს.

დადგენილება ამიერკავკასიის ცენტრალური აღმასრულებელი კომიტეტისა

252. უქმე და დასვენების განსაკუთრებული დღეების შესახებ.

ამიერკავკასიის ცენტრალური აღმასრულებელი კომიტეტის პრეზიდიუმი ადგენს:

1. შრომის კანონთა კოდექსის 111 მუხ. მიღებულ იქნეს შემდეგი რედაქციით:

„ მუხ. 111. მუშაობის წარმოება აკრძალულია შემდეგ უქმე დღეებში:

ა) იანვრის 1—ახალი წელი.

ბ) „ 22—1905 წ. იანვრის 9 და ვ. ი. ლენინის ხსოვნის დღე.

გ) მარტის 12—თვითმპყრობელობის დამხობის დღე.

დ) „ 18—პარიზის კომუნის დღე.

ე) მაისის 1—ინტერნაციონალის დღე.

ვ) სექტემბრის 20—ბაქოს 26 კომისრის ხსოვნის დღე.

ზ) ნოემბრის 7 და 8—პროლეტარული რევოლუციის დღე.

თ) ა/კსფსრ შედგენილობაში შემავალ რესპუბლიკებში საბჭოთა ხელისუფლების დამყარების წლის თავი:

1) აპრილის 28—აზერბაიჯანის ტერიტორიაზე.

2) ნოემბრის 29—სომხეთის

3) თებერვლის 25—საქართველოს

II. შრომის კანონთა კოდექსის 112 მუხლში სიტყვები: „უოველწლიურად დასვენების 8 განსაკუთრებული დღე“ შეცვალოს სიტყვებით: „უოველწლიურად დასვენების 5 განსაკუთრებული დღე“.

ა/კ. ცენტრ. აღმასრ. კომიტეტის თავმჯდომარე **ს. აღამალი-ოღლი.**

ა/კ. ცენტრალური აღმასრ. კომიტეტის მდივანი **ა. შავერდოვი.**

ტფილისი-სასახლე. 1927 წ. დეკემბრის 5-ს.

გამოქვეყნებულია „ზარია ვოსტოკა“-ს 1648 №-ში 1927 წ. დეკემბრის 10-ს.



ინსტრუქცია ამიერკავკასიის შრომის სახალხო კომისარიატისა.

253. ა/კფსრ-ში სახელმწიფო ბიუჯეტზე მყოფ დაწესებულებებში სამუშაო ხელფასის სახელმწიფოებრივი დანორმების განხორციელების წესის შესახებ.

დამტკიცებულია ა/კფსრ ვაჭრობის სახალხო კომისარიატის მიერ, ა/კფსრ მუშათა და გლეხთა ინსპექციის სახალხო კომისარიატსა, ა/კფსრ ფინანსთა სახალხო კომისარიატსა და ამიერკავკასიის პროფკავშირთა საბჭოსთან შეთანხმებით, 1927 წ. დეკემბრის 10-ს თარიღისა და მე-6 №-ით.

(გამოცემულია თანახმად „ა/კფსრ-ში სახელმწიფო ბიუჯეტზე მყოფ დაწესებულებებში სამუშაო ხელფასის სახელმწიფოებრივი დანორმების განხორციელების შესახებ“ ა/კფსრ სახალხო კომისარიატის საბჭოს მიერ 1927 წლის დეკემბრის 1-ლის თარიღითა და 56 №-ით გამოქვეყნებული დადგენილების მე-13 მუხლისა).

1. სახელმწიფო ბიუჯეტზე მყოფ დაწესებულებათა შუშა-მოსამსახურეების სამუშაო ხელფასის დანორმება სწარმოებს ა/კფსრ სახალხო კომისარიატის საბჭოს მიერ „ა/კფსრ-ში სახელმწიფო ბიუჯეტზე მყოფ დაწესებულებებში სამუშაო ხელფასის სახელმწიფოებრივი დანორმების განხორციელების შესახებ“ ამა წლის დეკემბრის 1-ლის თარიღითა და 56 №-ით გამოცემული დადგენილების თანახმად.

2. სამუშაო ხელფასის უკვე მიღწეული დონის შენარჩუნების მიზნით, სახელმწიფოებრივი დანორმების განხორციელების დროს მხვედველობაში მიღებულ უნდა იქნეს ბიუჯეტს-გარე წყაროები. ყველა ბიუჯეტს-გარე სახსარი, რაც დახურულ უნდა იქნეს სამუშაო ხელფასისათვის, განიყოფება:

ა) იმ სახსარზე, რაც შეიძლება გამოყენებულ იქნეს სამუშაო ხელფასისათვის შემდეგში, ე. ი. იმ სახსარზე, რაც სპეციალურ სახსართა ხარჯთაღრიცხვაში გაივლის, და სხვა სადოტაციო სახსარზე, რაც კანონიერად სამუშაო ხელფასისათვის გადაიღება, და

ბ) შემთხვევით შემოსულ თანხებზე, რომელთა სამუშაო ხელფასისათვის დახარჯვა მოსპობილ უნდა იქნეს შემდეგში, სახელმწიფოებრივი დანორმების განხორციელების მომენტიდან.

იმ სახსართა სამაგიეროდ, რომელთა სამუშაო ხელფასისათვის დახარჯვა შეწყვეტილ იქნება შემდეგში, უწყებებმა უნდა გამოითხოვონ, საჭირო შტატის შესანარჩუნებლად, სათანადო თანხები კანონიერ ბიუჯეტს-გარე წყაროებიდან. უკეთუ მათ ეს თანხები არ მიეცემა, სათანადოდ შემცირებულ უნდა იქნეს შტატები.

ა/კფსრ მუშათა და გლეხთა ინსპექციის სახალხო კომისარიატმა და აზერ-ბაიჯანისა, საქართველოს და სომხეთის სსრ-ბის მ/გ. ინსპექციის სახალხო კომისარიატებმა მხედველობაში უნდა მიიღონ ეს გარემოება თავიანთი საშტატო მუშაობის დროს.

უკეთეს კრედიტები საბჭოთაო ხელფასისათვის გაცემულ იქნება ფინანსურად მოგვარების რამდენიმე წყაროდან, დაწესებული შტატები და განაკვეთები დაეკვემდებარებიან კონტროლისა და საბიუჯეტო დისციპლინის საყოველთაოდ შემოღებულ წესებს.

საბჭოთაო ხელფასის ბიუჯეტს-გარე წყაროების ჩამოყალიბება სათანადო ინსტანციების მეშვეობით დაეკისრება დაინტერესებულ უწყებებს, რისთვისაც ისინი წინასწარ უნდა შეუთანხმდნენ ამიერკავკასიის შრომის სახალხო კომისარიატსა და ამიერკავკასიის ფინანსთა სახალხო კომისარიატსა და სათანადო რესპუბლიკის შრომის სახალხო კომისარიატსა და ფინანსთა სახალხო კომისარიატს.

3. თანამდებობათა ნომენკლატურას დააწესებს ა/კსფსრ მ/გ. ინსპექციის სახალხო კომისარიატი, რომელი ნომენკლატურის საფუძველზედაც უწყებები შეადგენენ თავიანთ შტატებს.

ა/კსფსრ გავრთიანებული უწყებებისა და ცენტრალური დაწესებულებებისა და სახელმწიფო ბიუჯეტზე მყოფ მათ დაწესებულებათა შტატებს დააწესებს ა/კსფსრ მ/გ. ინსპექციის სახალხო კომისარიატი, ხოლო არაგავრთიანებული უწყებებისა და დაწესებულებების შტატებს დააწესებენ აზერბაიჯანისა, საქართველოს და სომხეთის სსრ-ბის მ/გ. ინსპექციის სახალხო კომისარიატები—კუთვნილებისამებრ.

4. ა/კსფსრ ცენტრალურ დაწესებულებათა გავრთიანებული უწყებებისა და ცენტრალური დაწესებულებებისა და სახელმწიფო ბიუჯეტზე მყოფ მათ დაწესებულებათა შტატების თანამდებობრივ ჯამაგირებს დაამტკიცებს ა/კსფსრ შრომის სახალხო კომისარიატი, ა/კსფსრ ფინანსთა სახალხო კომისარიატსა, მ/გ. ინსპექციის სახალხო კომისარიატსა და ამიერკავკასიის პროფკავშირთა საბჭოსთან შეთანხმებით.

არაგავრთიანებულ უწყებათა და სახელმწიფო ბიუჯეტზე მყოფ მათ დაწესებულებათა შტატების თანამდებობრივ ჯამაგირებს დაამტკიცებს აზერბაიჯანისა, საქართველოს და სომხეთის სსრ-ბის შრომის სახალხო კომისარიატები ამ რესპუბლიკათა ფინანსთა სახალხო კომისარიატსა, მ/გ. ინსპექციასა და პროფკავშირთა საბჭოებთან შეთანხმებით.

5. აზერბაიჯანისა, საქართველოს და სომხეთის სსრ-ბის მ/გ. ინსპექციის სახალხო კომისარიატები და შრომის სახალხო კომისარიატები, ა/კსფსრ სახალხო კომისართა საბჭოს ამა წლის დეკემბრის 1-ლის თარიღისა და 56 №-ის დადგენილების მე-6 მუხ. შენიშვნის თანახმად, შეიმუშავენ გავრთიანებულ სახალხო კომისარიატთა ადგილობრივი ორგანოების შტატებსა და ჯამაგირებს ადგილობრივ და გადაუგზავნიან დასამტკიცებლად სათანადოდ ა/კსფსრ მ/გ. ინსპექციის სახალხო კომისარიატსა და ამიერკავკასიის შრომის სახალხო კომისარიატს, ასლებს—ამიერკავკასიის ფინანსთა სახალხო კომისარიატსა და ამიერკავკასიის პროფკავშირთა საბჭოს.

6. ა/კსფსრ გავრთიანებული სახალხო კომისარიატები და ცენტრალური დაწესებულებანი და აზერბაიჯანისა, საქართველოს და სომხეთის სსრ-ბის სახალხო კომისარიატები, სათანადო პროფკავშირთა ცენტრალურ გამგეობების მონაწილეობით:

ა) შეადგენენ გამარტივებული საშტატო ნომენკლატურის პროექტს, რისთვისაც ინფორმაციას მიიღებენ ა/კსფსრ მ/გ. ინსპექციის სახალხო კომისარიატის თანამდებობათა ნომენკლატურას, და მინიმუმამდე შეამცირებენ თავიანთ შტატებში თანამდებობრივ სახელწოდებათა რიცხვს;





ბ) გამარტივებული საშტატო ნომენკლატურის საფუძველზე, თავიანთი შტატების ხელახალი შედგენით იმ კონტინგენტთა ფარგლებში, რაც დადგენილია ამ დაწესებულებათათვის 1927-28 წ-თვის, და პროექტით გათვალისწინებული თანამდებობრივი ჯამაგირების თანახმად, შეადგენენ საშტატო-საჯამაგირო ნუსხების პროექტებს დაწესებული ფორმის მიხედვით, 1927-28 წლის ბიუჯეტიდან და კანონიერად დასაბუთებულ ბიუჯეტ-ვარგ სახსარიდან სამუშაო ხელფასისათვის გადადებულ ასიგნებათა ფარგლებში;

გ) შეადგენენ დაწესებული ფორმით ცნობებს ოქტომბერსა, ნოემბერსა და დეკემბრის პირველ ნახევარში ფაქტიურად გაცემული სამუშაო ხელფასის შესახებ.

7. საშტატო-საჯამაგირო ნუსხათა პროექტები წარდგენილ უნდა იქნეს:

ა) ა/კსფსრ გაერთიანებულ უწყებათა და ცენტრალურ დაწესებულებათა მიერ ა/კსფსრ მ/გ. ინსპექციის სახალხო კომისარიატსა და ა/კსფსრ შრომის სახალხო კომისარიატში; ამავე დროს ეს პროექტები უნდა გაიგზავნოს ა/კსფსრ ფინანსთა სახალხო კომისარიატსა და ამიერკავკასიის პროფკავშირთა საბჭოში;

ბ) არაგაერთიანებული სახალხო კომისარიატების მიერ—აზერბაიჯანისა, საქართველოს და სომხეთის სსრ-ბის მ/გ. ინსპექციის სახალხო კომისარიატსა და შრომის სახალხო კომისარიატში; ამავე დროს ეს პროექტები უნდა გაიგზავნოს სათანადო რესპუბლიკის ფინანსთა სახალხო კომისარიატსა და პროფკავშირთა საბჭოში.

საშტატო-საჯამაგირო ნუსხათა პროექტების წარდგენის ვადებს დააწესებს ა/კსფსრ შრომის სახალხო კომისარიატი, ა/კსფსრ მ/გ. ინსპექციის სახალხო კომისარიატთან შეთანხმებით (1927 წ. დეკემბრის 15-სა და 1928 წ. იანვრის 1-ლს შორის განვიღი დროის ფარგლებში).

8. ა/კსფსრ მ/გ. ინსპექციის სახალხო კომისარიატი, არა უგვიანეს 1928 წ. იანვრის 5-ისა, დაამთავრებს საშტატო-საჯამაგირო ნუსხათა საშტატო ნაწილის განხილვას და თავის გადაწყვეტილებას აცნობებს ა/კსფსრ შრომის სახალხო კომისარიატს, ხოლო ასლებით—ა/კ. ფინანსთა სახალხო კომისარიატსა და პროფკავშირთა ამიერკავკასიის საბჭოს.

აზერბაიჯანისა, საქართველოს და სომხეთის სსრ-ბის მ/გ. ინსპექციის სახალხო კომისარიატები, არა უგვიანეს 1928 წლის იანვრის 5-ისა, დაამთავრებენ საშტატო-საჯამაგირო ნუსხების საშტატო ნაწილის განხილვას და თავიანთ გადაწყვეტილებას აცნობებენ აზერბაიჯანისა, საქართველოს და სომხეთის სსრ-ბის შრომის სახალხო კომისარიატებს, ხოლო ასლებით—ა/კსფსრ შედგენილობაში შემავალი სათანადო რესპუბლიკის ფინანსთა სახალხო კომისარიატსა და პროფკავშირთა საბჭოს.

9. ამიერკავკასიის შრომის სახალხო კომისარიატი და რესპუბლიკების შრომის სახალხო კომისარიატები, ა/კსფსრ მ/გ. ინსპექციის სახალხო კომისარიატისა და რესპუბლიკების შრომის სახალხო კომისარიატებისაგან (კუთვნილისა-მებრ) ა/კსფსრ გაერთიანებულ და არაგაერთიანებულ უწყებათა და ცენტრალურ დაწესებულებათათვის დაწესებული შტატების შესახებ ცნობების მიღების შემდეგ, განხილავენ თანამდებობრივი ჯამაგირების პროექტებს და, სათანადო რესპუბლიკის ფინანსთა სახალხო კომისარიატთან, მ/გ. ინსპექციის სახალხო კომისარიატთან და პროფკავშირთა საბჭოსთან შეთანხმების შემდეგ, დაამტკიცებენ ჯამაგირებს.

10. თანამდებობრივი ჯამაგირების დაწესების დროს ამიერკავკასიის შრომის სახალხო კომისარიატმა და რესპუბლიკების შრომის სახალხო კომისარიატებმა მხედველობაში უნდა მიიღონ სამუშაო ხელფასის მიღწეული დონის შენარჩუნების აუცილებლობა და უკანასკნელი სამი თვის განმავლობაში გაცემული ფაქტიური

სამუშაო ხელფასი მხოლოდ იმ შემთხვევაში შეამცირონ, როდესაც ცალკე მომუშავის გასამრჯელო თავისი სიდიდით არ შეესაბამება ამ ადგილის იმავე კვალიფიკაციის მომუშავის ჩვეულებრივ სასყიდლს.

ხოლო უწყებელი კვალიფიკაციის ნორმალური სასყიდლის ფარგალში შეიძლება ჯამაგირის განსხვავება თანამოსახლე თანამდებობათათვის, როგორც ერთი რომელიმე რესპუბლიკის სხვადასხვა სახალხო კომისარიატში, ისე ა/კსფსრ-ში შემავალი სხვადასხვა რესპუბლიკების თანამოსახლელ სახალხო კომისარიატებში.

11. ა/კსფსრ და რესპუბლიკების უწყებათა და მათ დაწესებულებათა შტატში ცვლილების შეტანა 1927-28 წლის განმავლობაში, სახელმწიფო დანორმების განხორციელების შემდეგ, როგორიც არის მაგალითად: ცალკე თანამდებობათა შემცირება, მათი გადაჯგუფება სასტრუქტურო დანაწილების მიხედვით საერთო საშტატო კონტიგენტის ფარგალში, საშტატო ერთეულის შეცვლა სხვა უფრო მაღალი ან დაბალი კვალიფიკაციის საშტატო ერთეულით და სხვ., უნდა მოხდეს მხოლოდ ა/კსფსრ მ/გ. ინსპექციის სახალხო კომისარიატისა და რესპუბლიკანური მ/გ. ინსპექციის სახალხო კომისარიატების სანქციით—კუთვნილისამებრ.

12. ა/კსფსრ შრომის სახალხო კომისარიატისა და აზერბაიჯანისა, საქართველოს და სომხეთის სსრ-ბის შრომის სახალხო კომისარიატების მიერ დამტკიცებული თანამდებობათა ჯამაგირები სავალდებულოა სახელმწიფო ბიუჯეტზე მყოფ უწყებათათვის და არ შეიძლება შეიცვალოს არც დაწესებულების ხელმძღვანელის შეხედულებით, არც იმავე უწყების ზემდგომი ორგანოს განკარგულებით და არც ადმინისტრაციის პროფკავშირთან შეთანხმებით, უკეთეს ეს დადასტურებულ არ იქნა ამიერკავკასიის შრომის სახალხო კომისარიატისა და რესპუბლიკების შრომის სახალხო კომისარიატების მიერ—კუთვნილებისამებრ.

13. კვარტალის განმავლობაში დაუხარჯავი სამუშაო ხალფასის კრედიტი შეტანილ უნდა იქნეს სახელმწიფოს შემოსავლად; ამასთანავე დაგროვილი ნაშთიდან უწყების საბიუჯეტო წლის განმავლობაში აენახლაურება,—სამუშაო ხელფასის წლიური ფონდის 1 პროც. ფარგალში,—გაწეული კანონიერი ხარჯი, რაც გამოწეული იქნება დროებითი მომუშავეებისათვის სასყიდლის მიცემით, ავადმყოფ და შევებულიებში წასულ თანამშრომელთა მაგიერ სხვების მოწვევით, გასასვლელი დახმარებისა და კომპენსაციის მიცემით და ზედმეტი მუშაობისათვის სასყიდლის გაღებით.

14. სამუშაო ხელფასის გაცემა ამიერკავკასიის შრომის სახალხო კომისარიატისა და რესპუბლიკების შრომის სახალხო კომისარიატების მიერ დაწესებული ჯამაგირების მიხედვით სწარმოებს 1928 წ. იანვრის 15-დან. სამუშაო ხელფასის მტკიცე ჯამაგირებით გადახდაზე გადასვლის მომენტიდან კოლექტიურ ხელშეკრულებათა მოქმედება იმ ნაწილში, რაც სამუშაო ხელფასის რაოდენობასა და სამუშაო ხელფასის კრედიტების გამოყენებას შეეხება, მოსპობილ უნდა იქნეს.

15. კრედიტების სამუშაო ხელფასისათვის დახარჯვის წესი და გაცემული სამუშაო ხელფასის დადგენილ ჯამაგირებთან შეთანხმებისათვის კონტროლის გაწევის ფორმები დაწესდება ა/კსფსრ ფინანსთა სახალხო კომისარიატისა და შრომის სახალხო კომისარიატის მიერ გამოცემული ცალკე ინსტრუქციით.

ა/კსფსრ შრომის სახალხო კომისარი **იაშვილი**.

ა/კ. შრ. სახ. კომ. სატარიფო-საკონფლიქტო განყ. გამგე **ნახყილოვი**.

შეთანხმებულია: ა/კსფსრ ფინანსთა სახალხო კომისარის მაგიერ **გაბიევი**.

ა/კსფსრ მ/გ. ინსპექციის სახალხო კომისარის მოადგილე **ხუმარიანი**.

ამიერკავკასიის პროფკავშირთა საბჭოს თავმჯდომარე **იაკუბოვი**.

გამოქვეყნებულია „ზარია ვოსტოკა“-ს 1650 № ში 1927 წ. დეკემბრის 13-ს.

დადგენილება № 104 აკსფსრ შრომის სახალხო კომისარიატისა და გუშათა და გლახთა ინსპექციის სახალხო კომისარიატისა.

254. გაერთიანებული და არაგაერთიანებული უწყებებისა და ცენტრალური დაწესებულებების მიერ საშტატო-საჯამაგაირო ნუსხების წარდგენის ვადების შესახებ.

1927 წ. დეკემბრის 10.

რათა თავის დროზე და ზედმიწევნით იქნეს განხორციელებული ა/კსფსრ-ში სახელმწიფო, ბიუჯეტზე მყოფ დაწესებულებებში სამუშაო ხელფასის სახელმწიფო-ებრივი დანორმება, ა/კსფსრ სახალხო კომისარიატსა და ამა წლის დეკემბრის 1-ლის თარიღისა და 56 №-ის დადგენილებისა და მის განსავეითარებლად ამიერკავკასიის შრომის სახალხო კომისარიატის მიერ, ამიერკავკასიის ფინანსთა სახალხო კომისარიატსა, ამიერკავკასიის მ/გ. ინსპექციასა და პროფკავშირთა ამიერკავკასიის საბჭოსთან შეთანხმებით, ამა წლის დეკემბრის 10-ს თარიღით გამოცემული ინსტრუქციის თანახმად, ამიერკავკასიის შრომისა და მ/გ. ინსპექციის სახალხო კომისარიატები ადგენენ:

1. დაევალოს ყველა გაერთიანებულ და არაგაერთიანებულ უწყებასა და ცენტრალურ დაწესებულებას, მათი მეთაური უწყებებისა და დაწესებულების პასუხისმგებლობით, წარადგინონ საშტატო-საჯამაგაირო ნუსხები ამასთანავე დართული ფორმით შემდეგ ვადებში (იხ. გვ. 447):

ა) გაერთიანებული უწყებები და ცენტრალური დაწესებულებები ამ ნუსხებს წარადგენენ არა უგვიანეს ამა წლის დეკემბრის 25-ისა ა/კსფსრ მ/გ. ინსპექციის სახალხო კომისარიატსა და ა/კ. შრომის სახალხო კომისარიატში და თანაც ამ უწყებების ასლებს გაჰგზავნიან ა/კ. ფინანსთა სახალხო კომისარიატსა და ამიერკავკასიის პროფკავშირთა საბჭოში;

ბ) გაერთიანებულ უწყებათა რესპუბლიკანური ორგანოები ზემოაღნიშნულ ნუსხებს წარადგენენ სათანადო რესპუბლიკის მ/გ. ინსპექციის სახალხო კომისარიატსა და შრომის სახალხო კომისარიატში, ასლებს—სათანადო რესპუბლიკის ფინანსთა სახალხო კომისარიატსა და პროფკავშირთა რესპუბლიკანურ საბჭოში არა უგვიანეს ამა წლის დეკემბრის 20-ისა;

გ) ა/კსფსრ შედგენილობაში შემავალი რესპუბლიკების არაგაერთიანებული უწყებები ზემოაღნიშნულ ნუსხებს წარადგენენ, არა უგვიანეს დეკემბრის 25-ისა, სათანადო რესპუბლიკის მ/გ. ინსპექციის სახალხო კომისარიატსა და შრომის სახალხო კომისარიატში, ასლებს—ფინანსთა სახალხო კომისარიატსა და პროფკავშირთა საბჭოში.

ა/კსფსრ შრომის სახალხო კომისარი **იაშვილი.**

ა/კსფსრ მ/გ. ინსპექციის სახალხო კომისარის მოადგ. **ხუმარაიანი.**

ა/კსფსრ შრომის სახ. კომისარიატის სატა-

რიფო-საკონფლიქტო განყ. გამგე **ნასყილოვი.**

გამოქვეყნებულია „ზარია ვოსტოკა“-ს 1650 №-ში 1927 წ. დეკემბრის 13-ს.

დადგენილება ამიერკავკასიის რკინის გზების სამ- მართველოდთან არსებული საუწყებოთაშორისო სატარიფო თათბირისა.

1927 წ. დეკემბრის 7. № 9.

255. ამიერკავკასიის რკინისგზების ადგილობრივი ტარიფის მოქმედების ვადის განგრძობის შესახებ საქართველოს ტყის მრეწველობის ტრესტის საწყობთან ტფილისის სადგურზე შეშის განსატვირთავად ვაგონების მიყენებისათვის და განჯის ვიწრო ლიანდაგიან შტოზე მგზავრების გადაყვანისათვის.

ა/კ. რკინისგზების 68(04) №-ის ადგილობრივი ტარიფის მოქმედების ვადის განგრძობის შესახებ საქართველოს ტყის მრეწველობის ტრესტის საწყობთან ტფილისის სადგურზე შეშის განსატვირთავად ვაგონების მიყენებისათვის.

ა/კ. რკინის გზების 68(04) №-ის ადგილობრივი ტარიფის მოქმედება საქართველოს ტყის მრეწველობის ტრესტის საწყობთან ტფილისის სადგურზე შეშის განსატვირთავად ვაგონების მიყენებისათვის, რომლის მოქმედების ვადაც დაწესებულ იყო ა/წ. დეკემბრის 1-მდე და რომელიც გამოქვეყნებულია „ზარია ვოსტოკა“-ს 1504 №-ში ა/წ. ივნისის 17-ს და ტარიფთა კრებულის 428 №-ში 9334 №-ის ტარიფად, განგრძობილ იქნეს 1928 წლის ივნისის 1-მდე.

ა/კ. რკინისგზების 48(04) №-ის ადგილობრივი ტარიფის მოქმედების ვადის განგრძობის შესახებ განჯის ვიწროლიანდაგიან შტოზე მგზავრების გადაყვანისათვის.

ა/კ. რკინის გზების 48(04) №-ი ადგილობრივი ტარიფის მოქმედება განჯის ვიწროლიანდაგიან შტოზე მგზავრების გადაყვანისათვის, რომელიც გამოქვეყნებული იყო „ზარია ვოსტოკა“-ს 1298 №-ში 1926 წლ. ოქტომბრის 10-ს და ტარიფთა კრებულის 390 №-ში 7814 №-ის ტარიფად და რომლის მოქმედების ვადაც დაწესებული იყო 1927 წლის ოქტომბრის 16-მდე, განგრძობილ იქნეს 1928 წლის ოქტომბრის 16-მდე.

ა/კ. რკ.-გზებ. სამმართვე. არსებული საუწყებოთაშორისო
სატარიფო თათბირის თავმჯდომარის მაგიერ ტერ-მიჩაელიანი.

საუწყებოთაშორისო სატარიფო თათბირის საქმეთა მმართველის თან. აღმ., უფრ.-ეკონომისტი ვერდერეხსკი.

გამოქვეყნებულია „ზარია ვოსტოკა“-ს 1650 №-ში 1927 წ. დეკემბრის 13-ს.

დადგენილება № 57 ა/კსფსრ სახალხო კომისართა საბჭოსი.

256. შემთანხმებელი კომისიების შესახებ იმ შეუთანხმებლობათა გადასაწყვეტად, რაც აღიძვრის კოოპერაციასა და ა/კსფსრ სახელმწიფო მრეწველობის საწარმოთა შორის გენერალურ ხელშეკრულებათა და სხვა შეთანხმებათა დადებისა და აღსრულების დროს.

ა/კსფსრ სახალხო კომისართა საბჭო ადგენს:

1. იმ შეუთანხმებლობათა განსახილველად, რაც აღიძვრის კოოპერაციასა და სახელმწიფო მრეწველობის საწარმოთა შორის გენერალურ და სხვა ხელშეკრულებათა დადების და აღსრულების დროს ა/კსფსრ-ში, საქონლის რაოდენობისა ანგარიშის გასწორების პირობებისა, საქონლით მომარაგებისა და მათი რეალიზაციის წესისა და საშუალებების მხრით, ა/კსფსრ ვაჭრობის სახალხო კომისარიოტთან და მის ორგანოებთან ა/კსფსრ შედგენილობაში შემავალ რესპუბლიკებში მოეწყობა შემთანხმებელი კომისიები.

2. ა/კსფსრ ვაჭრობის სახალხო კომისარიოტთან არსებული შემთანხმებელი კომისიების გამგებლობის საგანს შეადგენს ამა დადგენილების 1-ლ მუხლში აღნიშნული საკითხების გამო ამიერკავკასიის სამომხმარებლო კოოპერატივთა კავშირსა და საერთო საკავშირო და ფედერატიული მნიშვნელობის სახელმწიფო მრეწველობის საწარმოთა შორის აღძრულ შეუთანხმებლობათა განხილვა.

3. ა/კსფსრ ვაჭრობის სახალხო კომისარიოტის რწმუნებულებთან არსებული შემთანხმებელი კომისიების გამგებლობის საგანს შეადგენს შემდეგ შეუთანხმებლობათა განხილვა:

ა) ერთის მხრით—საერთო საკავშირო და ფედერატიული მნიშვნელობის სახელმწიფო მრეწველობის საწარმოთა და მეორეს მხრით—რესპუბლიკანურ კოოპერატიულ ცენტრთა შორის;

ბ) ამიერკავკასიის სამომხმარებლო კოოპერატივთა კავშირსა ან ა/კსფსრ შედგენილობაში შემავალი ერთ-ერთი რესპუბლიკის რესპუბლიკანურ კოოპერატიულ ცენტრსა და ა/კსფსრ შედგენილობაში შემავალი სხვა რესპუბლიკის სახელმწიფო მრეწველობის საწარმოთა შორის;

გ) ამა თუ იმ რესპუბლიკის კოოპერატიულ ცენტრსა და იმავე რესპუბლიკის სახელმწიფო მრეწველობის საწარმოთა შორის.

შენიშვნა. ა/კსფსრ ვაჭრობის სახალხო კომისარიოტს უფლება აქვს ამა მუხლში აღნიშნული ყოველგვარი შეუთანხმებლობა გადასცეს განსახილველად უშუალოდ ა/კსფსრ ვაჭრობის სახალხო კომისარიოტთან არსებულ შემთანხმებელ კომისიას.

4. ა/კსფსრ ვაჭრობის სახალხო კომისარიატთან არსებული შემთანხმებელი კომისიის შედგენილობაში შედიან: თავმჯდომარედ—ვაჭრობის სახალხო კომისარიატის წარმომადგენელი და წევრად—თითო წარმომადგენელი:

ა) სახლმწიფო მრეწველობის სათანადო საწარმოსი და ბ) სათანადო კოოპერატიული ცენტრისა.

შენიშვნა. უკეთუ მიწათმოქმედების სახალხო კომისარიატი უშუალოდ იქნება დაინტერესებული, შემთანხმებელი კომისიის შედგენილობაში შევა აგრეთვე თითო წარმომადგენელი: ა) სათანადო რესპუბლიკის მიწათმოქმედების სახალხო კომისარიატისა და ბ) იმ სახალხო კომისარიატისა, რომლის უშუალო გამგებლობაშიაც იმყოფება საწარმო.

5. ა/კსფსრ ვაჭრობის სახალხო კომისარიატის რწმუნებულთა სამმართველოებთან არსებული შემთანხმებელი კომისიების შედგენილობაში შედიან: თავმჯდომარედ—ვაჭრობის სახალხო კომისარიატის რწმუნებულის წარმომადგენელი და წევრად—თითო წარმომადგენელი: ა) სახელმწიფო მრეწველობის სათანადო საწარმოსი და ბ) სათანადო რესპუბლიკის კოოპერატიული ცენტრისა.

შენიშვნა. უკეთუ მიწათმოქმედების სახალხო კომისარიატი უშუალოდ იქნება დაინტერესებული, შემთანხმებელი კომისიის შედგენილობაში შევა აგრეთვე თითო წარმომადგენელი: ა) მიწათმოქმედების სახალხო კომისარიატისა და ბ) იმ სახალხო კომისარიატისა, რომლის უშუალო გამგებლობაშიაც იმყოფება საწარმო.

6. უკეთუ შემთანხმებელ კომისიაში შეთანხმება მიღწეული არ იქნა რაიმე საკითხის გამო, იგი კოოპერაციისა და ამა დადგენილების მე-2 მუხ. გათვალისწინებული სახელმწიფო მრეწველობის საწარმოთათვის გადაწყვეტილ იქნება ა/კსფსრ ვაჭრობის სახალხო კომისარიატის მიერ, ხოლო დანარჩენ დაწესებულებათათვის—ა/კსფსრ ვაჭრობის სახალხო კომისარიატის რწმუნებულის (სათანადო რესპუბლიკაში) მიერ.

7. ა/კსფსრ ვაჭრობის სახალხო კომისარიატისა და მის რწმუნებულთა (ა/კსფსრ შედგენილობაში შემავალ რესპუბლიკებში) დადგენილება საბოლოოა, უკეთუ ამ დადგენილების შესახებ პროტესტი არ იქნება შეტანილი 7 დღის განმავლობაში პირველისათვის—ა/კსფსრ უმაღლეს ეკონომიურ საბჭოში, ხოლო მეორისათვის—სათანადო რესპუბლიკის ეკონომიურ თათბირში.

8. დადგენილება ესე ძალაში შედის დღიდან მისი გამოქვეყნებისა.

ა/კსფსრ სახალხო კომისართა საბჭოს

თავმჯდომარის მაგიერ **დ. ჭუსეინოვი.**

ა/კსფსრ სახალხო კომისართა საბჭოს

საქმეთა მმართველი **სოკოლოვსკი.**

ტფილისი—სასახლე. 1927 წლის დეკემბრის 1.

გამოქვეყნებულია „ზარია ვოსტოკა“-ს 1651 №-ში 1927 წლის დეკემბრის 14-ს.